

Sier Zuan Foscarini, fo capitano in l'Adexe soto Yerona, qu. sier Nicolò	72.123
Sier Anzolo Trun qu. sier Andrea, fo di Pregadi	42.154
Sier Antonio Viaro, el XL criminal, qu. sier Zuane	84.113
Sier Lorenzo Minio, fo provedador a Gradi-sea, qu. sier Almorò	43.154
277 Sier Sebastian Loredan, el XL criminal, qu. sier Zuane	83.111
Sier Marco Antonio Erizo, fo provedador in Cadore, qu. sier Antonio	74.122
Sier Fantin Lippomano, fo provedador sora le legne, qu. sier Zuane	81.117

Fu posto, per i Savii dil Consejo e Terra ferma, una parte di regulation di pagamenti a le zente d'arme, la copia di la qual sarà scritta qui soto. Et sier Zorzi Emo, el procurator, andò in renga, dicendo non è tempo di tratar de pagar zente d'arme, ma di armar 50 galie, perchè il Turcho fa grossa armada, et per quello si vede, è da dubitar non vegni contra de nui, manda exercito in Friul. Questi turchi 12 milia è a Grobonich vol dir qual cossa; si vol metter ogni diligentia a questo, e non atender a zente d'arme; con altre parole, excitando il Colegio a far provision contra turchi e non atender a l'Impe-rador, che non à poder di offenderne.

Et sier Daniel Renier savio dil Consejo, per esser in setimana andò in renga, e li rispose con gran colera, dicendo queste è belle provision di depenzerle e scriverle ma non di far; et disse la impossibilità di questo Stado, e cargò molto ditto sier Zorzi Emo; *tamen* non disse le provision havia fato el Colegio.

Et venuto zoso, per Bortolo Comin fo leto le lettere scrite per il Colegio a Udene, in far redur il tutto ai lochi muradi. *Item*, far cavalcar le zente a la liziera a Sazil etc. Andò la parte; fu presa. Ave 157, 31, 0.

Fu posto, per sier Hironimo da cha' da Pexaro el consier, provedador a l'Arsenal, atento li Camerlengi non scuodeno li denari deputati a l'Arsenal per non poter quelli dispensarli a suo modo, pertanto sia preso che a li presenti Camerlengi de le terre nostre e futuri sia inzonto habino a scuoder tutti i danari ubligati a l'Arsenal a li tempi; et non li scodendo togli la pena a li daziari, nè quella possi lasar sotto pena di furanti. Et non lo fazendo, li Patroni a l'Arsenal e cadaun di loro che farà la executione senza altro Consejo habi dita pena, si contra li Ca-

merlengi, qual contra li daziari, *ut in parte*. Ave 138, 18, 0.

Fu posto, per li Consieri, Cai di XL e Savii tutti di Colegio, avendosi a mandar uno bombardier a Corfù, qual habi carico di le artelarie e munizion insieme con altri 4 bombardieri, nominato Antonio Feramolin capo di bombardieri di Verona, qual ha di provision ducati 8 per paga a raxon di paghe 8 a l'anno, pertanto sia preso di acrescerli ducati do per paga, et a li altri 4 bombardieri se li dagi le provision solite; et al dito Antonio *etiam* la eixa et edificio di far salnitri posta in la cittadela di Verona, qual li fo concessa per sier Andrea Gritti procurator, provedador zeneral, et che suo padre possi far lavorar di salnitro. Ave 187, 7; fu presa.

Fu posto, per i Savii dil Consejo e di Terra ferma, una parte de questa substantia e tenor, di ordinar el pagamento de le zente d'arme per dar il quartiron, come fu preso, zoè che a lo illustrissimo Governador zeneral sia deputà el suo pagamento di tutta la daia di Padoa, computà el clero, per ducati 28 milia, et da la camera di Brexa ducati 9 milia; el resto, ch'è ducati 3000, li sia dati in tanti orzi a ducati $\frac{1}{2}$ il mozo, justa el consueto. *Item*, el resto di la limitazion di Brexa deputata a le zente d'arme, ch'è ducati 29 milia in zercha, siano mandati a la camera di Verona per conto di pagar el quartiron; *ut supra*. La camera di Bergamo mandar debi a Verona per il quartiron ducati 20 milia; la camera di Crema, abatute le spexe, tutto quello si traze, da ducati 3000 in zercha; da la camera di Vicenza ducati 2000, et il resto de la limitazion de dita camera di Vicenza, ch'è ducati 18 milia 700, siano deputati al pagamento di questi sotoscriti, che non è pagati a quartiron, zoè, al magnifico cavalier di la Volpe capitano di cavali lizieri, ducati 3052, a li stratioti di Dalmatia a page 8 a l'anno, computà le do page sono a Cataro, *videlicet* domino Paulo Paleologo, non possendo pagarsi di quella camera di Cataro, ducati 9400, li stratioti è in Friul a page 6 a l'anno ducati 1500, li fanti sono in Cataro a page 6 a l'anno ducati 1596, li fanti sono in Friul a page 8 a l'anno ducati 1304, li fanti sono in Traù e a Spalato a page 4, ducati 815; il resto di la limitazion predita sia ubligata al pagamento di orzi di stratioti che per zornada occorerà dar. *Item*, non ascendendo al quartiron li diti danari, se li dagi a le zente d'arme una paga a l'anno di orzi venivano di Cypro, over per altra via a raxon di stara do al ducato, nè si possi revocar la dita parte e ordene soto gran striture, come in la parte presa in questo Consejo